

安般移詩續鈔

安般窳集目錄

詩續庚

集句

爰居

春城

上元立春日

早衙

見禮官牒預傳正月二十六日
太和殿筵讌

荅和子培

漳浦黃忠端公斷碑研歌

梁屯田挽詩

二月廿九日尊容齋中宴集伯義祭酒出睢陽五老
圖共展觀之以聞多素心人樂與數晨夕分韻作詩
記歲月予得素字

題天台王水部

彥威

之母夫人秋鐙課詩圖

荅松岑問近狀

遲菴公生日

王翰林搜集古今甄研文得數巨冊屬題

相國張公八十壽讌詩

吳施均甫

木槿枯死

漫語

慰鄭蘇龕落第

張季直將南歸

今晨追送不及悵然作詩

從弟北來談里中事

砭五龍甘卧法

鼎父山長自嶺南遺子一硯卻寄

戲簡法雲上人

大雨後

寓廬爲積雨所穿損短述

與升吉甫劇棋

簡尊老

陪納言黃丈生日宴集紫藤精舍奉贈一首

讀法言一首

奉題山陽丁儉卿先生小照

禁夜

尊老枉訪值子未歸次日戲呈

寒夜獨謠

偶然作

陸賈

右軍

夜聽十一從弟談鄉事

傷逝一首

爲宗室竹坡侍郎作

答雲門

向子培借陳茂碑搨本一觀

王可莊出守京口

太室二首

夢還富春山中作覺而足成之

再和雲門

冬夕

東林

題長沙程封翁自濟圖

圖中自寫少壯老三身共操一舟野逸之態可掬子久學

士之大父也邵子詩也能康濟自家身封翁命圖殆取此意

又題瞿太母湯夫人分燈課讀圖

西郊賞雪

晚攜酒過薛十八齋中飲

奉上榆園三兄江上幽居

過都虞司懷洪北江先生

省夜

讀朱子行視武夷精舍詩有感

侍御李愛伯先生同年礎雲門令君連枉佳章齊混
沌於蛾眉驂跛足於綠耳賤性繆迂素畏標楊獎借
非分祇增顏汗篇中之意焉敢違荷願雅命不可以
虛辱也勉竭蕪鈍仰答至言聊以拾礫竊附後塵云
爾

鑑園有小水流入十剎海隆冬不涸不冰亦異境也
過而樂之

安般經集

詩續庚

芳郭鈍窠

集句

庚寅

清玉刻佩聯玦環

韓

藥窻誰伴醉開顏

韓

古人冷淡今人

笑谷

九日馳驅一日閒

韋

自是秦樓壓鄭谷

杜

誰念幽桂

遺深菅

韓

平生性癖耽佳句

杜

歸及春風斬釣竿

坡

爰居

爰居眞託避風鄉
截鶴憐鳧孰短長
用事軍中非葛亮
爲工柱下有東方
無端造化小兒困
何處波羅提木參
一刹那閒心土淨
侯封蟻穴兩俱忘

春城

春城無處不喧闐，夾轂流蘇被錦驕。
游女傾城蹋芳草，豪家編埒賽金泉。
花明紫陌迎人澁，柳拂黃臺照水妍。
獨有子雲牢落甚，晴窗帙散讀殘篇。

上元日立春

舊人難得看新歷，何況新春連上元。
抱牘不曾逢醉尉，敲門且喜做名園。
是日四更以吏事入神虎門借小園于內
慈坐一老監入十許能言咸豐庚申秋北
狩灤陽。花搖禁樹離離月，竹暗籬門短短垣。
聽罷白頭宮日事。

監語犀毗今已靖，諸蕃

早衙

早衙紛紛黍一炊疲牛薄笨畏山陂寮中醒醉從相笑眾
裏笙竽各自知門臨爆竹噓喧懣花安疏簷鵲闕枝誰信
樵仙似園令吏餘廚釀一中之

見禮官牒預傳正月二十六日

太和殿筵讌百官朝賀恭賦一首

融融春殿日初長會見夔龍捧御床花雨又逢霑大脯
木星新占守明堂徐觀樂歲豐禾絹獨媿迂材玷省郎更
讀

受釐深厚詔紫霞杯祝壽无量

荅和子培

言
入春禪病兼詩病客慧頑空總未刪忽枉新篇動寥廓久
晞家行得原顏眼花已廢鈔書課足蘭渾無作吏閒只欲
低頭拜東野逃虛伐翳藉追扳

原作

沈曾植

竹堂不到幾旬餘想見焚香淨澗除禪誦有時還謝
客眼昏渾不廢鈔書酒闌軟語春還寂物外真游鑑
共虛問訊偃松新月狀朝來步履更相於

漳浦黃忠端公斷碑研歌

是何一片野雲根黯黹千年化爲碧風節常存時運往大

星寒芒墮瑤席龍蛇背字出新意

研背有蘇文忠墨
妙亭詩十餘字
翠螭

分書題石額坡書自謂棉裹鐵不鉤之鋼見心畫

全結
琦語兩

賢蹕厲相映發元祐崇禎天地闢流傳今入枚郎家

石藏
郎中

覺羅廷
雍笑

再拜寒具毋馳迹浮生閱世眞雲煙放眼孤光破

羣籍世言莘老不工書吳興郡將好事客奇鞞墨妙亭中

散壤谷春耕出碎壁樵人往往拾至寶公倘輅車得茲石

忠端公以崇禎三年庚午典浙
試時年四十六是冬除右中允

從此雷碾玉帶生南北隨

車其晨夕良工滂礪斲山膚詰詘崩雲鏤沈魄雖無石鶴

活雙睛卻供洞璣注三易意者白雲東庫下楷隸孝經高

一尺意者大滌精廬中整齊百家義延積意者辰陽瘴煙

窟反騷頌橘形神釋意者石養丙舍旁講學諸生環請益

意者出師仙霞關四塞四通建奇策擗危仗汝相倚依愉
篆狂行惟所適一朝浩氣馭長空大星欲落湖海白南冠
遂與鼎社隱北望難迴陵谷圻石乎石乎何處避朽屋荒
厓幾艱厓竹垞公孫欣得之風義隔代兼家澤秀水朱文恪公忠端
座師也竹垞文恪曾孫嘗得此研綴以銘張孝廉燕昌金石契以爲忠端自銘似止見拓本而誤也乃知神
物有精氣後來摩挲如竹帛捧之再拜篋千年不敢輕供
凡手役石研之歌止於此發冢人閉小儒嚇

諦觀戲鴻堂樵刻墨妙亭詩每一字環轉處左右界
畫全失張芭堂所樵研搨亦爾此石殘字分行布白
處神采遊逸界畫秩然的知爲長公手跡也或疑爲

非長公書不知蔣燦所書乃公所作墨妙亭記非此詩也況詩中有書來乞詩要自寫之語尤爲塙證邪
光緒庚寅九月旭又記

梁屯田挽詩

梁氏風流工艸隸不翁遺墨到雲孫
趁曹同困移中役作誅俄傷柳下屯
眞率猶應砭末俗支離竟爾鍛孤鶩
遇騎不作陶潛賦茵溷都將石火論

二月廿九日尊客齋中宴集伯羲祭酒出睢陽五老圖
共展觀之以聞多素心人樂與數晨夕分韻作詩
記歲月予得素字

春物遲暄妍西山夢煙霧幽人三徑開眾妙欣同趣淡言

娛物外簡略忘世故稷下老荀卿羣言得程度東窻透深

明洞然工作圃閒情寄鶴鷓世緣息蛇蚺返宋寶遺真酒

半拓縑素王孫胙所藏

伯義爲肅親王豪格之裔

仕履費箋注越賢懷

正獻精爽厯呵護解龜慶厯中墊巾謝浮譽

杜祁公以慶厯七年致仕

退廬南都者十年或勸公作居士服公曰老而謝事尙可

竊居士名耶問者悚然今觀遺像烏帽綈袍革帶皂履正

與史合南都築寒栖勝集招退寓諸老皆蒼顏真樸發深寤

俗醜貴介立時季思菴遇座客各肅然呼僮斥寒具就中

同甲生

盛楊沈三君齊年又皆以是日生

古心鞭响响風流重躋撰妙墨

列眾婢

圖凡二巨冊洪文惠文敏范致能虞邵菴以下題跋如林

棚鶴未登朝行年未

云暮莫放酒杯空童顏且須駐

慶曆中歐陽公蔡君謨余安道三人同爲諫官時稱

一棚鶴見玉翠筆記坐有三人將同入臺故借喻

題天台王水部

彥威

之母夫人秋燈課詩圖

世事百蟲沙憂喜相紛擾涉歷非一途窮厄信大造頗能
齊物觀榮枯任傾倒惟有童時心孤露困兵耗悽惻庭闈
言記憶我稍稍展轉不能忘籲天時自悼今觀王子賢焦
尾抱庭誥有母敦詩禮和平得天拖遺篇三十四一一珠
璣好吹鐙寒青熒中有不黔竈百徧鈔遺經課兒心口到
聽之常踞觚文字戒剽盜我雖未見圖傾淚神先告尺縑
失復還崎嶇天慰勞上有匡廬君益策道原操嗟予何能

詩涉筆心悄悄卻誦止觀經
蠟子螻蟻報檄東禪林王氏
舊居在冥冥西溪喚輸君性行篤白華行可東禪巷筆

苔松岑問近狀

鍾山木杪子營亭枉辱書來楹憶
蕙江總苦空猶滯相郭
綦枯木已忘形欲依真誥除丹白
更謝經生眩紫青近狀
眞成頑似鄙遠期鍼石與相礪

遲菴公生日

上尊霑渥自層霄七葉門風珥漢
貂雲母隔屏參獨坐桃
枝仙杖賜中朝器周邊瓌如親歷
紛解微言使眾消履屐
之間餘事逸時於筆札見神超

碧幢記泛浣花船集杜傳鈔百首編胎上風標仍筮屐華
泉名句出瑇瑁碎金一卷人方寶擲地千聲賦早傳獨有
經營夷險志低徊難以弱豪宣

王翰林搜集古今甄研文得數巨冊屬題

翛然嗜好殊流俗石墨心摹更手追七客寮中捫玉帶二
王甄背出交螭天池禊會神俱逸海岳風姿像亦奇
皆冊中所
有便欲與君箋老去硯材穴石筆松枝
秦公緒會稽人嘗
山居穴石爲研注

子老

相國張公八十壽讌詩

正逢衢舞祝 堯年千叟推公冠法筵華蓋方輝

天賦節析津今見地行仙北平侯有元經癖南極星依絳
闕懸不待還丹成竹節方瞳日譜手親編

飛黃少日飭雲馳得第東堂玉一枝清切石渠頻艸議雍
容金殿久論思簪豪省闈多陰德弭節嵩陽作吏師題徧
龍門龕幾壁行轡馴鹿日相隨

千里金隄護轉漕吳童騎竹迓旂旄人欽暗室懸虛鑑吏
畏新硎出孟勞物癘消還祛水旱天機精亦借林臯莫釐
洞壑連林屋攝取丹青仗弱豪

粉墨閒情寄作家南皮名掩蔣南沙春淙筆掃支硎瀑淨
綺囊收甫里霞丹壑屢哦松化石碧城眞摘棗如瓜父兄

僕射吳民誦蕭澹都忘吏枚衙

未持龍節鎮延津再入蘭臺物望新雲母屏開專席貴金

蓮燭迂內官頻儒風儉有青絰帳 湛露恩霑黃目尊佳

兆簡公登百歲石華久輦取刁遵

刁遵碑今在公家遵之父刁簡公雍年垂百歲

與高文公允以耆德侍中禮遇最渥

昨逢雲錦賦天孫夙兆汾陽吉語頻覽揆司農踰兩日期

農以永建四年七月五日生

方聞伯厚早兼旬

王伯厚先生七月二十九日生

木樨香

微兜羅手金粟花開清淨身 敕賜上樽清且旨飯抄雲

子伴澆春

頻瞻梨棗發顏丹食品 堯廚賜玉梓濟勝卻效靈壽杖

散齋還御進賢冠桓公講憶華光直白傳居依履道寬再
錫奇矜如召伯喬佺定捧藥雙丸

良輔乾隆史

文靖與嵇恭

重開瓊讌絕樊躋瑤林赤實綏山

北珠樹青鵬弱水西洛下五更周澤陋建初三老伏恭齋

中天賜榜星雲爛頤性親承

御筆題

阮文達公晚自稱頤性老人蓋取

御賜壽扁中語後又改署節性老人作召誥節性惟日其邁說以自儆惕蓋進德不懈也

哭施均甫

輓迹金門暫合并決疣幾日識君行青冥得路看垂上紫

氣深宵忽掩明同輩雞栖爲奪氣防秋虎落失知兵榮枯

事往眞彈指猶憶陽關送遠征

甲戌與君同報罷君西游隍隴相送逆旅爲別此景

猶歷歷
在目

生死交情張僕射突過仲則遇靈巖

謂助齋中丞

橫行萬里忽

折軸命直三星難避讒物情似厭困陵暴筆勢誰更窮
鑄鏡湖海此材坐歎息真成逝水逐驚帆

孰使新亭收泣者圓機濺濺乃爲卿柳生左肘看俄化
碁局中心自不平潁上灌夫猶使氣移中病監未忘情
道旁日長新蒲柳獨遣枯柵不再榮

平生殊趣術相忘張竦陳遵孰短長湖墅對牀連日夜

丑乙

丙寅

天山乘障飽風霜窮探流略猶難竟結社應徐半喪

閒事亡惟有屈蟠碑一片賴君洗剔出龍荒

君在阿克蘇得到平國磨崖石刻

木槿枯死

我爲林下客，乃見汝榮枯。
放竹干霄偃，留窓待月疏。
道心無晦朔，物態有乘除。
剗卻空華幻，虛堂伐翳初。

漫語

力不能勝世，故叢竹窟深處。
得逃空青，落黃葉漫階壁。
著个繩床漏盡通。

慰鄭蘇龕落第

眾妍氣皆喧，靜觀孤鳳奏。
百翎向明飛，清唳失霜候。
浮榮固澹忘，席帽厭宿留。
箭出東洲勁，句壓南服秀。
苦心采者誰，老籜深谷茂。
迹滯良亦佳，沈觀道機透。
紉書典藏室，朗

咏喜銜袖得喪付蚍蜉鍊骨濯堅瘦褊心多所悟與子如
夙舊隱朝闕朝菌萬物欣在有洗洋卒歲資瑩淨卑棲陋

和

鄭孝胥

短翼無高翔拙射終虛穀旁觀騰挪掄孤憤積倂憊
推擠苦廁足憫默窮束味判償塵土債聊溷車馬驟
坐曹期卒歲隱几送清晝驚披蘭臺句語妙紛奔湊
道機元自熟慰藉意良厚六街愁昏霾熱風不可覓
卻思高齋冷綠陰翳庭醫先生演名理出入莊御寇
云何挂懷抱感事眉猶皺生平慕齊物得失奪邂逅
詎能忘牛蟻息此牀下鬪方當愧君語陳義高難邁

栖遲幸相裁免負當時詬

張季直將南歸

從軍風雲氣函雅聾俗恠養空敵世機踴步蟲網絳一息
斂深深涉歷希耿介幽芳披朝華老珀遭腐芥木雁命皆
踦天地悟方隘欲浮蒼溟去一洗青邱懣語我田舍樂不
待干畦薤危跌竹嶼釣晚涼風雨快扁舟訪道流洗耳窮
警欬進乏諧世萎退保垂堂戒嗤子夷囚拘曲全防意敗
今晨追送不及悵然作詩

吏返君已行煙波望淮海高齋幾夕談萍鞅復焉在場屋
有宗工翩翩失李廌怡然出修門養氣全真宰我思援神

契三命良費解素抱祇自知遇嗇彌柯碑行善未得善風
雨鳴無悔幽蘭秀空林失時香不改此意近所希砭俗繫
君待媿無書薦禰何日臺招隗悵然驅車還青霞爛餘彩
從弟北來談里中事

會合權荆棘變遷傷里閭問君里中狀次第戚與疏隣曲
春作社荒田夏燒畝營墅幾復業引泉幾穿渠故桐尙依
井新竹尙生墟孰首梵筵席誰臨釣師居山中多道流招
隱或開予荅云物力彫有甚兵火餘親知異存沒聚落亦
榛蕪去年水患劇鼃鼃穴山隄儉歲弦誦少廢圃無人鋤
遠想增慨然我安適歸歟賴有君山青不改丹霞舒終策

令威翮返我班生廬

砭五龍甘臥法

逸情遠性神舟谷藏雲上風疏匪主故常不醉鄉之隱而
隱於睡鄉兀兀騰騰櫟見夢齋坐忘宇泰定竅天光觴豆
堯禹兮父老羲黃三公螻蟻兮萬稜秕糠哺飲食邪旦田
獵邪蓬蓬者蝶邪庸詎知其孰爲搏控而孰爲之維綱吾
恥爲雲臺觀之流于方技而師漆園吏之畸于人而全于
天窮年適志以洗洋

鼎甫山長自嶺南遺予一研卻寄

先生著書枕椰林端州石室曾孤尋高足弟子屢常滿

孫季

述讀高足爲高正云卽確錯咸化爲球琳虛堂清嘯卷書
弟子職問正何止之正確錯咸化爲球琳虛堂清嘯卷書
坐峯見紫氣層厓陰夜深雷電裂巖腹星竇入石森沈沈
命僮攜鏡往斲取詫得異石逾南金良工剝製缺一角地
有皸坵東南霽殿前諫官少顏色班心魚佩朱衣瘖孤懷
礫柯落江海瘴蛇妖蠶不敢侵故知造物慰幽寂更遭褚
擘詒同岑牟珪蒼壁入吾手細初鏤字宜銘箴豈殊獨漉
寄貽上兼以漆書投杜林行辭手版訪壇席招公歸隱西
溪潯卜鄰息壤有如石墨突會遺窮年黔

戲簡瀛雲上人

昌化縣人

不見雲公竹解稍龐居士亦滯西郊遶身只用三條箴容

却應支一把茅赤瀨紫溪歸未得山靈木客久相嘲欲從
結夏如鄉社元叟新衙已署聲

大雨後

小園連雨似陂塘蛙吹侵宵兩部忙天氣陡如秋作冷一
枝紅蓼浸滄浪

門前澤國斷來車南陌東阡盡可漁天遣交游謝陶令閉
門草苔遠公書

來禽乍熟雨低垂桃落珎如丸走陂童子敲殘山鵲啄離
離猶賸最高枝

新校桐溪舊德吟

四兄蕤
庭手編

多應先友列碑陰詩中半寫溪

山勝當作圖經一卷尋

淫雨爲災象已成萬家屋破盼庚晴物皆愁思竹偏喜無
數龍孫看怒生

寓廬爲積雨所穿損短述

脩門敗屋糊甑紙綠淨金迷差可喜月索朱提常一流暮
燕若鳩供憩止晴張畫軸拓鴉叉風展疏窗支碧綺華堂
上壽客捧觴玳筵行炙肥刺齒一朝淫雨情勢見上溜旁
穿百物毀如蟻穴隄隄久搖良工勿諱乃足恃主人不寤
屋蠹朽直突誰言薪預徙內無拂土敵晏然金甌無缺良
际此要知安樂多所忽苦口七篇鑿在邇葺垣植椽晚收

功苞城甚惡非苟訾雨平眞當諫臣書茆龍更衣請今始
與升吉甫劇棋

剛勦今成遠指柔多君風格尙能道疏簾清簟困連雨碧
落朱絲當勝游租或牽羊常艸艸泥看鬪歌亦悠悠諸蕃
蠻觸方狙伺一笑先生映劍頭

簡聶老

十日淋雨不相聞漠漠入荒同一雲裏糧未得看予祀入
臺行將冠惠文北山腥風老蛟出南苑盛饑鴻墮不恤
飯魚茆屋破會上炎異天扉云

陪納言黃丈生日宴集紫藤精舍奉贈一首

勁草有指佞神羊能觸邪史以爲瑞物書之比騶牙况人
中屈軼爲瑞尤無涯納言起甌越萬丈東溟霞精爽肅秋
嶽藻辭刊春華文節與文潔蟬媽忠孝家泠泠朱絲絃奏
雅卻鄭畦鬱鬱孤生松附枝無一斜緬懷同光際國論洞
瘕瘕風會工擅持廢疾起瘖啞於時職左史日御正歲差
月費百番紙諫草縈龍虵廷舉白獸樽緯斥潛潭巴曲學
阿世者望風匿其瑕丈人朝舊德清亮心無他孤標鎮淨
俗奇芬振天葩五嶽已登四轡傳徧幽遐伐翳貢竹箭採
風錄皇琴已開老更秩肝鬲吐槎枒自有活國丹不待灌
河車城西闕杜怡嘯詠滌朱查地僻類巖阿酒熟桂始花

社有庚桑祝座無齊客妬林風發清籟歸炬動栖雅醉扶
綠玉杖顏渥丹邱沙羣士得所宗輪囷倚護葭乞言敦古
義世運齊隆窳

讀法言一首

周士貴而肆儒術興比閭從臣第嘉頌君相亦流譽秦士
賤而拘賢達困斗精握觚者朋進治痔驕得車子雲老寂
冥斯言聖矣夫頗譏切世變憂時生疔疽君子道消矣養
性期逃虛姑讎天祿籍癖謬老蠹魚林霞媚夕檻園翠引
朝裾招來班嗣徒酌酒權有餘

奉題山陽丁儉卿先生小照

頤志齋成四譜編詩三家又廣搜牋一生心折柘塘老林
壑優游九十年

禁夜

中天夜景湛虛明倒影霜林浸碧熾殘月離離挂高樹疏
星灑灑麗飛蕤乍聞長樂微鐘山稍辨餘皇遠火橫應有
鶴鳴知夜半

用小雅
篇名意

湛冥誰識此時情

尊老枉訪值予未歸次日戲呈

文書衡袖朝參吏每逐歸牛晚笛迴聞說客騎驄馬過不
曾荒徑掃蒼苔

稷下羣言仗總持捐書班嗣俗常嘗造門忽荷楊雲賞似

許柄遲一壑宜

城西菊市漸應稀
蕭瑟寒林露酒旂
白首端公一迴訪
買花親壓滿擔歸

答

李慈銘

閉門久學寒蟬噤
一訪長安隊雪家
吏謁未歸鈴下
睡滿庭
陳雀噪寒花

卅年寂寞衙參吏
短髮羞簪柱後冠
正是輕陰天欲
暮且同松柏守山寒

玉壺冰合嶺山雪
絕妙蘭臺一卷詩

昨示于己丑
年所作詩

病凝香林假裏抱書吟
過歲寒時

寒夜獨語

紙窗竹屋終寒窘那有斑絲倚隱囊
靜夜風甌清自語伴予讀書更炷香

偶然作

太常齋日三百餘緡伶沈醉三萬日彼直寄焉
逃世詎塞兌至言將不出我今不飲復不齋
支離其形難究詰昨誦曹溪一句亡頗覺中
邊皆似蜜龍宮蝸舍無不可螺贏螟蛉悵然失

陸賈

慙濁難堪莊語徒曲全惟有社旁樗君看北海孔文舉何

似西京陸大夫片語解紛平與勃于金游囊越兼胡洗洋
俯視長安奔暖藻嗚啾泛水鳧

右軍

搶攘江表欲辭紛種果惟當老右軍卜墅始甯工作達寫
經墨礪寓斯文廣陳爛藻披支許稍出良規折謝殷服食
近來殊劣劣戎鹽一味乞還欣

夜聽十一從弟談鄉事

月出庭樹靜雲寒夕光清養目喜暗坐撤彼松膏熒勞筋
息倦役暫寂幽憂生鄉談聽予季癯飢當尊羹市井迷舊
嚮堰步閒新坪十月灘舟帶水石軋霄崢嶸縣南圓通寺相

去裁牛鳴荒年夜有虎樵牧乃戒行前年山水發龍移層
湫雁溪流瓦屋脊田坼碎沙井隳突數村壞崩岸聲雷砰
客民山棚列萑蒲出縱橫令長不敢訶白晝赤丸墜嶺頭
炊煙少蕭蕭竹抽萌山魃窟木石未哺關柴荆山中不可
留蘭桂獨揚英予欲反招隱暫掃鄉愁攬

傷逝一首

爲宗室竹坡侍郎作

奚止瑤鍤景物才謫官未足禳千災英流石抹前言戲
秋同上翠微山戲謂君倘守危城如石抹宜孫子將效犁眉公相助云云苦調山陽觸緒哀長
白寶幢生不易飛黃朽索首重迴孤忠何異三閭切卻爲

天家惜此材

荅雲門

鞭絲再入修門道，閱世綦枰萬事非。
笑我霜髭侵老大，健君詩格破森羅。
吏如槐里朱雲傳，調似宜都白雪稀。
學道年來知用短，甘輸天馬脫塵鞿。

向子培借陳茂碑搨本一觀

世緣局束面生塵，欲借驚鴻一枚神。
妙迹千年暫攜示，歐陽公集古錄著莫疑搨面酒留人。
目後久亡之

王可莊出守京口

固知素抱終遺補，豈厭承明去直廬。
溫旨試君親吏事，碧油幢引向南徐。

不到松寥十五年
閣中僧已半華顛
就君欲乞茅庵住
一訪州民焦孝先

卜鄰杜曲恰成村
雁去鳧留春夢痕
未買江南黃篋舫
低徊祖帳出青門

太室二首

太室峰巒石闕漫
金題玉冊付祠官
濯龍殿秘光俄掩
鴻寶書傳字已刊
曾索投壺天一笑
虛期執戟朔多端
重雲蒼闥賤難達
恨少玉喬捧藥丸

牙檣蓋海總樓船
艸讖當時侍奏箋
雲母輦殊長卻御
濟陽宮敞待標鐃
東封氣讐舟蛟守
西景戈回隙駟遷
神麗

昭融動南頓榮光赤瑞正連延

夢還富春山中作覺而足成之

栖遲薄宦寸心違松菊田廬久已非
忽買扁舟動高興便治藥圃著蘿衣
剡藤萬里孤雲健華表千年一鶴歸
親舊纍纍幾新冢且持社醕叩鄰扉

再和雲門

詩才藉麗屬夷陵迴雪流風和不能
君或過秦吾媿谷傳衣未許妄擔承

縵堂老作開堂宿警歛風雷出病頭
誰是南能誰北秀秤

量喚取沈傳師

謂子培

冬夕

空庭無一葉宿羽未安枝初月纖於玳疏星散作碁松陰
圓乍轉竹影薄方移靜領枯禪趣安排付小詩

東林

東林西林老禿邱南寺北寺清新游凍鐘殷床有短韻荒
學問字無長頭所居坊後有義塾毗耶居士坐槁木長安貴人如

海漚夢入南屏獨庵裏巖冰干筋茶一甌

題長沙瞿封翁自濟圖

圖中自寫少壯老三身其操一舟野逸之態可掬子久學

士之大父也邵子詩也能康濟自家身封翁命圖殆取此意

龍不恥泥蟠元覽响昭融鳳不憎山栖培風斂奇翮所濟

在一世藏用恆抱冲樛耕窮山深心與木石同孔隱緇帷
几曲肱聽松風所濟在一身窅然志无窮法律自繩已經
世仗孤衷氣象肅而舒赤舄垂春容濟自一身始樞得其
環中履屐苟失任違問措故工筋骸不自束邊問蘇疲癯
瞿公達斯旨抗心超鴻濛寓言實非諧養氣竢其充泐泐
有古槎得非河上翁嫋嫋松標厓眞游鬱浮空彈指去來
今面皴觀河通玉貌變雞皮堅如甘蔗叢三身幻少壯四
智悟洄瀾交食乎厚地交樂乎高穹逝者未嘗逝終者無
有終浩然風霆行泰壹返璇宮形倣神庶存克治積微功
君子慎居室冰谷課幽冲演孔刮老佛皎鏡開昏蒙示人

以津筏苦心言雁鴻何必浯溪厓何必蒸水東沿洄棹中
流青弱收釣筒自濟濟天下年運齊窳隆請陳隱君義莖
叩慙慙慙

又題瞿太母湯夫人分燈課讀圖

雪窻松肪讎細書宣西坊居瞿學士爲言大母茹艱辛展
示遺圖淚漬紙湘西茅檐門積淖手種三松風葉稍短繁
分照一絢絲直榦鬱爲三秀孝我憶江樓侍紡機山邱幽
翳黯春暉先大母單茶人課諸孫甚嚴伯父裁圖公作夜
紡課孫圖敬系以詩圖亡于兵火欲追摹未果
也發潛還乞採風使史筆仗公能表微子久嘗跡
學浙中

西郊賞雪

晚搗酒過薛
十八齋中飲

言卷五
三
西山被處隘嵌空蕭瑟千林望不窮一鵲足拳瑤樹杪萬
人家遶玉臺中天心不使疲農槁歲事欣占宿麥豐薄晚
澆君小蠻榼深杯莫厭興迴融

奉上榆園三兄江上幽居

門對千山雪滿湖釣師送酒節彫菰幾時歸侍團瓢坐看
注真靈位業圖

過都虞司懷洪北江先生

萬言朝上夕湘纍意氣磐紆不自危念念玉門行萬里
昌陵猶是聖明時

省夜

天河瀉練素欲滴殘月嵌空黃映壁平頭撥盡豆蔻灰火
種微茫無處覓卻似黃山老衲庵雪筋打窗寒齒擊千年
不調軋殼蝸半偈罷持穿石鐫時還摸索永嘉言見道忘
山喧亦寂

讀朱子行視武夷精舍詩有感

世慮撼淨脍學道意不堅譬如火守膏慮與之偕遷一朝
壑舟失兀若朽株然蓋缶嗟何及曙戒毋忽焉超然空同

子

朱子注周易參同契隱其名署曰空同道士椰所

其外物多所捐晚結事外契早

息區中緣卜居大隱屏縛茹裁三椽曠莽次第闢虛舟縱
洄沿招邀夙素侶昏且憺周旋行則翳勁松漱則勺清泉

襟期無天闊，講貫意所便。高風颯千載，邈矣荒榛煙。吾欲往從之，道遠殫餽。率願惟蹇劣，者礪溜朝通。川願執酒掃，戶聽經館壇。前縱復無所得，柴棘日除澗。縱不滄鶯歎，寤過朕陳編。抱冲至篤老，意愜坐忘筌。

侍御李愛伯先生同年樊雲門令君連枉佳章，齊混沌於蛾眉，驂跛足於綠耳。賤性繆迂，素畏標揭獎借，非分祇增顏汗。篇中之意焉敢違，荷顧雅命不可以虛辱也。勉竭蕪鈍，仰答至言。聊以拾礫竊附，後塵云爾。

緜堂風力晚逾勁，諫艸久具病阻之毗耶。一室孤穿榻神

清時鵠形支離戲拈風雷出餘滲瑯刻草木建鼓旗背孤

擣虛布堅陣健筆摧塌千熊罷評量籍建意刻峒六喻飛

電搜蛟螭

詳味詩中章法源出金經六如偈頌及坡公百步洪詩而益佩奇不可控搏矣雄詞萬

物困陵暴日借往史鉏奸欺迴斤乃一斲散木羅縷碧樹

黃茅姿公詩譬禊帖祖本對越跳擲天人儀

米評王書云莊若對越俊

如跳

漸 僧虔子雲希筆訣未得骨髓空樵皮金丹那許換凡

骨體勢峻厖交失之觥觥令君稍得筆驚鞞逸翻不可羈

珠林璀璨落絳雪劍舞凝停迴柘枝肱其咳唾妙一世穹

巖窮壑難撲迫五雲太甲穿穴秘巧歷往往窮箋攤坐瘡

羣士癢爪嘴何忽伴卻藏幘磨強捉蕭家孃姥隊當君蛇

鳥縱橫師兩雄往復益恣肆撼我癩樹黏蝟枝風稜未必
橄欖似氣味或許蟬蟀宜

皆來章中語

轅生止辦圈刺彘老作

散吏憊寒飢就令梧鼠出應閒鏤冰畫脂空爾爲楹筵施
厲互嘲諷朝夕迫窘穿肝脾頗染東京黨人習浪出品目
膺滂期至言久緇世語勝聊復箭映相娛嬰惜哉語妙抵
聖處不使抗議侍天堦何當故技盡捐黜築室靜臥蒼江
厓遺經潭思寰宙合發揮玉杯清明辭卜鄰南江有夙約
世諦藻語芟其厄拘攣一掃文字障請挈萬古光芒迴
鑑園有小水流入十刹海隆冬不涸不冰亦異境也

過而樂之

諸天碧海凍此水獨濺濺卻似仇池鯨潛通小洞天

村叟詩草草寫出川活字版排印初意欲以供江鄉知舊
一笑俾審予頻年身世隱約之迹以省書苑往復之煩昨
略一披覽了不見勝處且寫情景句少而說理處狠多不
免如劉舍人所譏非柱下之指歸卽漆園之義苑云云此
詩病也且沈氏亦譏孫楚孫綽許詢之流爲學窮乎柱下
博物止於七篇正始永和之閒流風之扇乃爾予又胡爲
瀕其畚棄之泥而揚其澗絕之波乎更卜何時捐去故見
別引新機得有莊老告謝山水方滋之異境乎法不孤起
仗境乃生手隨意運暮年方妙此殆俟諸異日不可知之
數也且聊以眼前文字窠臼盲鈔妄錄博解故人顧耳庚

宣二月六日祖偶識於宣西坊寓舍安般篋中

安般移集目錄

詩續辛

庭花

人日括賀方回詞意

春風一首

訓蔡千禾同年

卽送其赴蜀中倅

一囊

仲弢太史初度以小詩奉侑

恭閱

慈禧皇太后仿

世廟畫蒲桃御筆

恭閱

聖製畫竹

御題曰雲痕煙影

戲咏肺病

禁中早春

上燈日

鸚鵡眼研銘詩

月夜遊景山下詣苑門

小壺天

十洲槎臣同日朝正 西海子恭記

春日偶題

二月七日雪陡寒

夜坐

古意一首

喚起

桃花將放

雲門將行戲作俳語送之

人事

柳

晝睡

言類三
寒食前三日作

追悼季妹

到處

雨

再賦柳

落花

尊齋奉使日本還朝因贈

尊齋前後見贈徵君鄭子尹先生遺書再答謝

又謝遺倭刀

一指

託迹

蕭寺一首

傷同年黃再同編修作

壽長沙徐耘渠駕部丈八十

觀物襍題

玉河

覺衰

未遂

題翁大令長森貽硯圖

書所見

積雨後作

雨歇

老城根

寄鄭蘇龕

離落

送潘伯馴同年歸櫬

訪吳子修

淨慈一上人渡海來請敝內府藏經將擔歸杭州受
持流布其意甚勤同子脩太史作五絕句贈之

賦得聞道王城最堪隱

賦得萬人如海一身藏

調李侍御

戲贈宋養初畫睡

夜坐望月

送葉緣督太史還吳中

致仕瑞安黃丈壽讌詩十有四首

代

濮母林碩人挽詩

壽譚仲修同年六十

聞伯希作西山之游

憶山中太和潭精舍

前明俞莊襄公讀書處

咏袁白燕

侍郎李仲約先生視學畿輔感時述事奉呈八章

詩後又題一首奉寄

再咏虞功曹一首

賀藥翁得一子

掖垣望月

看鷗波亭圖

管道昇畫竹

咏壞色古畫

耳鳴

冬晴望北山

吏舍西垣下老桑樹

碧城

上孝達督部師

題會稽王孝子髮冢銘石本後代

枯樹詩

喜朱二屯田見過

歲暮上李端公

蒼林君四十初度作詩示之

又題六言

新年試筆 壬辰

早春鄉思

第四歲日再過神武門托托小憩

懷朱鼎父時客授廣州

寄雲門秦中因效其體

寄屠梅君侍御晉中

人日

湯興

風定後

戲贈黃山呂居士

思爲退谷之游

在辟佛
寺南

尋春

示兒輩作文法

君立善相馬頗聞畜善馬十餘頭乃絕塵之品也作

詩訓之

菊潭行

安般移集

詩續辛

芳郭鈍交



庭花

此指唐花
非春花也

辛卯

庭棠開且落潛引早春融寒消漸不覺點注闌輕紅茵溷
無心遇那繫拙與工南枝慳不放未肯媚暄風物色隨榮
悴吾道齊窮通

人日括賀方回詞意

釵梁花勝賽年時惟有文園減鬢絲欲寄南書無去雁佳
期付與碧雲知

嬾拈綺語出花前畫省郎官滯十年那有清歌慰寒夜宜

春自寫衍波箋

春風一首

夜起作

春風聲酣圍野屋驚濤夢簸下江船
夜窗人靜花含露鄰舍燈明竹罨烟
浮世發硯無妙斲沈思入爨有空絃
不須更惜前懷抱只合收身老蠹編

訓蔡千禾同年

卽送其赴蜀中倅

久滯鴻都國子師一官落拓向巫夔
中郎妙迹留刊石揚子元廬訪翦茨
符竹佐人成坐嘯餘丹飾治博生祠歸
來更卜吳羌麓晚約談經共抱遺

一箋

一囊沈淪欲界天花飛下著
積肩無端殿淨華鬘勝打
破堅城百丈禪

又

一日心光迴向眞育王塔下
懺除身老陶高築松風閣根
淺須持戒律新

仲弢太史初度以小詩奉侑

第一番風第一花雁湖囊取赤城霞
香山樂府香光筆代

嬾光芒有作家

白文公正月二十日生
董文敏以十九日生

春華秋實久分途公欲兼通所挾殊文囿
仙心籥東馬史

家通例發南狐

重穎靈根不可倪 本朝地望重劉嵇

諸城錫山

清門誰識崇

名德不數鳴珂帶有犀

永嘉諸老典刑存乳穴融成水碧溫別有至人丹訣在不

隨時輩擷卮言

恭閱

慈禧皇太后仿

世廟畫蒲桃御筆

幕天匝地起濃陰馬乳垂垂密葉深氣勢開通玉門堠遠

規

廟略揆靈襟

似出橫風密雨中，生香活色奪天工。不須更護龍孫竹，勁倚西天玉一叢。

恭閱

聖製畫竹

御題曰雲痕煙影

千葉煙籠玉鉤瓊，一絲雲護鐵環紆。直將古籀縱橫意，灑作丹邱墨竹圖。

遠韻榮光乍合離，鵝溪尺絹萬尋披。靈根定種瑤池曲，俛眎夔鈎柯九思。

戲咏肺病

一冬陽不藏，六賊風遂伏。津液皆變痰，梗此玉咽宿。猛攻

芭蕉堅唾作地榆簇有如一丸泥元關鑰函谷又如土囊
口迫峽急湍汛南風攜不支左角洵相逐齊鼓爲之瘖彭
尸緣隙蹴眾竅噏復張三機翻且覆嗟茲要津地理宜清
且肅邪氣入據之內淫互句族和扁袖手觀藥力不可漉
姑聽其消長在宥不汝鞠一朝還清明氣息往而復老火
濁徐消稚金初返服吾何所欣厭熱爾觀槁木

戲語子培
云近革囊

四大中有一大受病牽掣五陰三
海皆不安靜予惟以定力勝之

禁中早春

華林連桂觀太液遶瓊臺宿鷺聽冰解新鶯轉樹來綺沙
汀隱見復岫路縈迴碧還烟際草香發崦中梅至怡貞觀

靜春輦卯門開鬱蔥佳氣轉

聖壽頌康哉

上燈日

亭皋晚市閉林表春烟微火樹繁星出華燈碧月輝聲喧
三口醺香颯六銖衣人隨鼓吹殷歌逐梁塵飛

一作細車
流水去瑤

吹彩
雲飛

蕭枚麗居士何能獨掩扉

鸚鵡眼研銘詩

其製古朴肌理堅鸚之鵠之青瞳矚面背各一瑩匪鑄如
星貫犀妙自然

蘇舜欽詩海犀
望星星八角

凝滄一點黃暈鮮山根綫

溜穿千年蒼然目牛形無全仰眠天員俯地員潛地而地

言精
天而天矩分立臥心闔擊窮高極深鉤其予人天法眼刊
言筌深耕熟耨此寸田犇之不舍石可穿

月夜遶景山下詣苑門

長簷載去似吳艘透碧頗黎竅兩窗夜景澄鮮雞喔喔嚴
更茗帶鼓絳絳埃燈破霧行相引波月銜珠未有雙宛似
江南曉行色青山紆曲障蘭缸

小壺天

鳥霧松疏碧汀烟柳嫩黃浴冕低拂水響鶴靜辭廊畫戟
排衙仗金鋪對霽堂壺公隨地隱在處得天光

十洲槎臣同日朝正 西海子恭記

禁柳烟消鏤稚金波融太液與

恩深瓊臺仗下千官肅紫殿墀頭八校森

卅六天中日正長瀛洲春麗幕榮光新添一部鏡歌吹天
馬西來

帝道昌

貴霜五翎候排班耳飾斜簪碧玉環都作嚴裝紅帙首一
齊吉語粲

天顏

輕霞隔海率陀宮

萬善殿與
閣東西對峙 紫光

章廟清修法會融卻似波旬冠瓔珞蓮宗環禮

座當中

魏徵勸我行仁效貞觀元龜屬

景陵

家法一誠通異域

聲光四徹被中繩

軒皇御世動如神妙用猶龍若長鄰千載漢文知此意南
佗北頓氣俱馴

糾儀墀下侍臣冠記注當時豈飾觀須識

宵衣勤法

祖會看月竊其年班

聖壽南山永媿崇嵩呼雲氣出封中傳

天語淪肌髓太史今朝奏景風

金葉書傳手自裁左官畫革字縈迴
山柯大夏天西至異鳥條支海上來

璽書赤伏署公孫清晏安和總

主恩北史云魏梁通問之書舊式每云想彼境內清晏此
區夏安和魏伯起改新式但云想境內清晏今萬國
安和去彼此之稱書體遂定志在息人邊自靜記稱黃石有微言

賜筵法酒出

天廚脯擘紅虬玉作酥筦讌錄公中座起從容彈指過蘭

閣此借
叶

太液池頭乍囀鶯融融春漲穀紋平東皇昨夜驂鸞出吹
徧瀛洲綠草生

賞花垂釣舊儀存

祖德如天詔敕溫長頌

君王修故事守成今見

聖雲孫

八伯歌風堯外臣逸書王會作箋新
何比部秋濤作周書王會解箋未之見也

廟謀釣築收賢輔自古平戎在得人

春日偶題

睡足肢體融
樂天語懶久神氣足
榕村語未離欲界天略證清

淨錄君看物生萬何曾有修促池面幾曾皺年年濛晴濛
林衣雖暫禿旋旋輕紅縟相與任枯榮何曾知寵辱獨有
花前客朱顏變枯木霜髭不再黑皮膚易爲瘰雖復一編
披目力艱往復平生同遊人大半在鬼錄存者其文字酸
辛難卒讀若復不銷憂春郊恣遊矚心隨物得時涓涓水
流谷何以娛榮期天機慎勿枯百年已過半尺捶取已踞
古人或開于夜游當秉燭

二月七日雪陡寒

早春妍暝忽飛花撼屋風威一夜加夢破竹搖聲颯颯起
看籬壓影斜斜光侵鴉髻寒生粟氣卷龍堆細挾沙斗作

隆冬三九信綺窗花事轉應賒

夜坐

風竹語騷屑月林筵扶疏更深鄰火寂室白洞窗虛斷雲
無來雁攤案有殘書欲持楞伽句往叩淨名居勝流邈難
追勝情誰爲攄惟餘文句外卒解一飴予疲疴忘遣釋年
運任乘除境智兩冥矣身心同泊如舟爲禪味縛還游物
之初

古意一首

弱柳黃纒卷霧齊芳原綠遍草萋萋眼看競發花相映獨
有孤生竹未萋狗監不逢園令病馬曹久滯枚人跼不關

中酒愁如許，壞壁慵尋舊日題。

喚起

夜來皓月纔當午，花影松陰暗裏移。喚起不知春已半，飛來枝上盡情啼。

桃花將放

綠窗氣似蒸，喚窗外繁英作團。孤負殷勤伴我愁，看鏡裏朱顏。

水村山店何處卻，憶江南路賒。想見躡青時節，層城隔水生霞。

絢爛碧雞坊裏，爭禁十五清明。啄溜坐憎山鵲，頰珠拂墮。

簾旌

不待金莖賜飲何須羯鼓催
開牆外游蜂未覺超然獨立
蒼苔

媽似麗華妝薄分明三五年時最好未開時節明朝先發
南枝

春自無關喧寂折枝浸取銅餅此卽壺天深處花光迴照
沈冥

雲門將行戲作俳語送之

樊山落紙如雲烟對客揮豪淮海然脫藁卽貴洛陽紙珠
玉不脛人閒傳卻笑鈍根枯而壁畫被不能成一篇障泥

駿馬指秦川花如絳雪春風顛
解雁江鳧一分手雲飛水
宿各一天青門從此少顏色
漫山桃李爭春妍豈若溫三
十六清麗句句句飛鳴羽化
仙仙才將行玉溪生又老謂
翁還對龐蘊半枯之木蠶眠
禪玉溪老龐見子皆卻走屣
欲筆研煩焚捐山礬巧避水
仙潔羌篋怯伴朱絲絃須君
輕裝入華下晴窗復理陳丹
鉛聊持半偈適獨坐目論者
誰知子賢譬令蜉蝣議龜鶴
自有長短要非世士能
媿妍君試評之然不然

人事

人事支離鶴與鳧世情俱到幻
榮枯西園劍騎輕寒士東

言集二
五
海蟬娟笑出夫獨秀見奇霜後柏羣妍相壓瘦時株蝟鳩
鼻息從相屬似畏飄山眾口响

柳

嫩寒驟喚酒人醒三日風梢忽放青閱世靈和殿前柳幾
看朝士鬢成星

晝睡

鳥語花香總不知起看篆鼎裊烟絲故人遺我長生訣午
枕西窗一覺遲

寒食前三日作

輕陰落絮近清明瀨上遙憐弟與兄輸與龐公作寒食鹿

門山下趁攜擎

追悼季妹

潭洞山花發山深聞杜鵑無人作寒食有淚到窮泉慧性
疑天得慈恩荷最憐學裁看繡拆拾翠憶裾牽宛轉依寒
檠鈴娉侍紡塲每隨兄讀畫恆伴姊調鉛數笋林閒寺觀
漁瀨上船佐巡青莧圃教檢白雲編忽厄焚巢劫離如病
瘳然倉皇膏野草頓撼阻烽煙荒谷秋螢照焦原殺氣纏
戴盆無復望銜石幾曾填畫粥分糧日積山芥木年節同
高愍女妹以癸亥年
殤裁七歲辨似趙津娟懼晏追童少飄搖及播
遷寨攜皆可念今日滯幽燕

到處

到處瓜牛戴殼遊圓成淨土得浮休白生初祖虛看壁
入榮期喚解囊天上蒼精方朔是人閒黃石穀城求市人
不識壺中隱何許長房獨倚樓

雨

春雨細如絲春蕒青滿枝嫩黃裁溼柳漲綠稍平池人語
烟中靜宮花仗外敝華林園外望雲氣欲漫陂

再賦柳

照影玉河頭輕花逐水流清明紅雨岸上巳白蘋洲樹下
鈿車過深藏小畫樓東風吹綺語散入曉烟愁

落花

游蜂晚已去，啁鵲曉還來。度窗黏碧綺，砌媚青苔。蟻噙
行上樹，鶯蹴半辭枝。攀翻祖帳席，吹浮宴坐杯。獨有棲禪
者，時節無驚猜。嚼和香積餅，觀空明鏡臺。散著聲聞果，彈
他不下來。至人拈笑汝，世諦未全灰。

尊齋奉使日本還朝因贈

兩使扶桑留幾載，節旄未落鬢絲斑。往來常得龍神護，寒

暑應隨漢使旂。

用徐陵使北語

儒俗稍還維繫大

聖書相厚戚，休關鬱裝一片行。舟石歸鎮且，蘭竹外山

尊齋前後見，贈徵君鄭子尹先生遺書再答謝

枕椰林擁竹王祠中有飛霞解佩姿尹道眞生荒裔曠洪
卷施後學人奇遺書汗簡箋非一耆宿卽亭夢更思飴我
天南文字好付之玉躩繡爲池

又謝遺倭刀

使君來自大瀛東水擊三千鶴背逢調

帝陳詞向金闕贈交脫手佩蒼龍誰言奇計居巢老猶挾
豪情說劍雄笑我一漚便涸陸看公七澤久吞胸

又

冶工龍伯國人良宵練橫飛制陸梁結佩曾行四天下

君先

以參贊使歐西足發礪看試十年強畸生祇欲觀刀室雅
迹幾徧四大洲

意虛承遺墨陽斂取光芒養生主善藏甘作老蒙莊

一指

苦空蹋破四魔軍一指頭禪又冊勳斜日散牙從覓句野
人爭席不離羣餘情逸到王黃葉耆學吾師許白雲階下
棠梨枝乍放黏枝蜂蠟任紛紜

託迹

不治儀望不潛夫託迹浮沈以自娛苦縣名甘磨作馬屈
平身願化爲鳧持版猶嫌判牘尾刺船欲去飢雕胡何時
蹋破牀頭糞一謝塵勞公府趨

蕭寺一首

傷同年黃再
同編修作

蕭寺重尋故人迹已凋老箬又摧筠石牛谷黯門風歇黃
鵠磯長蕙帶焚兩世交情隨逝水一哀鄰篋闕積雲藏書
百篋空塵蠹誰省丹鉛往日勤

又

蝮甲蛇跗不可捫一彈指頃覓無痕卮成分宅君眞薦

單

溪先生家蠶落祇餘一
老曾孫嬾君闕卹甚至

應劭纂儀孰與論

會典館開君
程課最勤

喪

次星奔緣毀卒迕時柴立絕扳援黔風從此林芳歇鮓甕
箐溪哭瘴爨

壽長沙徐耘渠駕部丈八十

地肺朱陵小洞天長生有錄政新鑄高栖紫蓋中峯穩時

岸烏巾小築偏宏景早辭金馬祿老坡猶署玉堂仙莫嗤
八十搢筇叟直上披雲岫巉巖

又

騎省吾師篆韻箋

少空壽衛先生公之從子

楚金曹署迹曾聯

叔鵬侍御兩

卮同捧荔支綠十卷新刊楊子予天上石麟方覽揆人閒
絳縣正疑年異人豈有丹邱術航道遺榮氣自全

又

鯁生雖未識公顏蕭散先朝執戟班初服收身成大隱著

書專席筦名山

時主嶽麓書院

研朱點易真堪老刻篆瑠蟲久已

刪易有蜥蜴之義故以借對

不爲先生肯低首瞿硎南望擗巾閒

又

巋然風節鉉時俗始識靈光魯殿尊文字浯溪一片石性
靈苦縣五千言 紫泥稠疊徵君號朱鳳裴裒嶽竹根甚
欲從之畏壘住一持黃卷叩真源

觀物襟題

竹中搗藥日頗含山居情睡起窗光靜綠陰無數生
艸木順常理冬枯春復妍始悟養生訣惟資法自然
勞侶卻微塵言尋止觀門燈覓化城憩峻阪時易昏
鶴啄青田芝鶴栖積叢裏各抱倦飛情暮而得所止

又

不須與義詰三旛六妙門中第二門逆旅擔夫從爾汝野
漚相狎祇忘言

萍塊雨中吹暫破絲窠風裏埽還成裁看鷓子新羅過又
驗青甯久竹生

玉河

玉河曲曲抱城流明鏡中無一斛舟薄晚萍開風乍起楊
花飛入女牆頭

覺衰

無復壯心吞楚澤已如疲病喘吳牛一行中散淹爲吏十
日南越浪自愁但使世風還渾醜分甘谷飯老林邱欲尋

閒適師誰好園吏卮言榮叟裘

未遂

未遂飄然去遺山野史亭枝言螢自照槐夢蝶應醒營墅
無三畝談空負一經浪遊真晚悔刻意布衾銘

題翁大令長森貽硯圖

故物所餘裁一研吏如冰玉迹雙清惠家紅豆傳經意留
與雲孫取次耕

坐閱衰興惟研壽金題繡褫失仍還何如甘露庵前物朱
十徵題寶晉山

書所見

浮荷盡處遠林出，上有蒼烟一抹橫。
凝望方知是山氣，此中疑有化人城。
曉風殘月金鵝觀，無限丹邱出世情。

積雨後作

虛寂生道心，林泉發佳趣。
雨昏東林鐘，艸沒西隸路。
積潦漲成陂，行人不可渡。
稍看遠峯霽，旋豁層城霧。
林鳥不聞喧，青蟲網高樹。

雨歇

吹蛙一部洗朝醒，野水彎環艸樹明。
藕蕩漁人貧不厭，竹舍殘雨作珠瓔。

老城根

金元遺趾何有惟見陂隴低昂箭鏃應藏一斛深宵遺發
光芒

寄鄭蘇龕

鄭虔工艸隸蕭散異常流惜別經年夢因人渡海遊分符
戊己尉採藥蜻蜓洲詩得江山助相看隔斗牛

籬落

籬弱支綠樹苔皴綠上闌螢黏殘雨黯竹帶晚花攢生理
無雞柵清吟倚鷓冠纏藤任傾倒當作野廬看

送潘伯馴同年歸櫬

微祿羈栖久不歸決疣眞返芟荷衣闕爲祖送青門外安

隱娥江素旒飛

奇字槎牙秀樹根李潮筆勢更誰論應穿玉笥單椒葬員石苔剜作猶痕

四明狂客留妙墨磨洗氈椎往欲規

聞越州千秋觀有賀監書碑君欲往搨見

遺未

果陳迹千年山雨闕繼君奇癖數阿誰

訪吳子脩

塵甌三旬瘦羸驂七不堪祇應投硯北相約老花南桂蠹吟成癖瓜牛隱似庵蕭疏竹林下兼覓阿戎談

謂綱齋孝廉

淨慈一上人渡海來請放內府藏經將擔歸杭州受持流布其意甚勤同子脩太史作五絕句贈之

永明千偈瀾翻處龍象全荒蔓野藤聞爾誅茅敷半席宗
風還續一燈能

又

芒鞋竹杖一孤雲來自湖壩造請勤宛似洞天探宛委
胙金鎖祕書文

又

圓明百問箭鋒機提倡門風宗鏡歸歸洗

御碑蒼石髮山川披豁

日光輝

淨慈寺本吳越時慧日永明院雍正十一年

上諭穹碑勒石御選語錄序排智覺壽

禪師爲曹

溪後一人

又

貝葉流通出石渠
擔還神護靖夔夔
香山竹中泉一滴
證取衣法南來初

又

幾年不到南屏路
屈強家人卦蘇斑
幸爲殷勤搨生紙
磨厓寄示當還山

賦得聞道王城最堪隱

黃塵浩浩市朝昏
蓮芍陂西別有村
失恨搏風人自擾
寒匏焦穀我無言
晴窗帙枚衣魚歪
秀舍園空野雀喧
試覓栖心安隱法
清齋梵夾掩離門

賦得萬人如海一身藏

龐眉疲尉信湛浮業海吹瀾未困漚幻似三桑潛作陸翮
如一芥枿爲舟幾人化蜃重樓翠何物醢雞敗饗游且約
壺中行藥叟枯碁臥閱弈枰秋

調李侍御

椒猶合口班墀下

君入臺後未言
事時監京兆試

桐自剗心出鬣餘今日

捉將監鑠院春蠶食葉不關渠

唐人以御史裏行爲合口
椒監察爲開口椒此借用

又

眾工爭握量才尺巧匠翻令袖手閒鉤起風簷十年夢筆
酣射策燭花殘

戲贈宋養初晝睡

文書束笋久相纏身似吳蠶一再眠
育育者魚濠上樂蓬蓬然蝶夢中
仙比須料理休措笏起視光陰已過
輒歸志浩然三泖宅臥看煙樹出江船

夜坐望月

裁穿碧樹出已射半牀明
眾籟清秋寂蕭然隱几情
綺窗華燭滅莎砌一蟲鳴
俗學今知誤真慚外物搜

送葉綠督太史還吳中

陀羅幢主玉堂仙歸棹東吳范蠡船
趁取尊羹下鹽豉丹

楓半醉晚秋天

君聚集陀羅尼經幢
塌本千通自署幢主

分題鷓鴣樹石屏風華屋山邱憶醉翁惟有任安留不去坐

穿一榻鄭奩中

入史館後久
主潘尙書家

點勘羣書下戊籤收藏入錄發凡嚴

君搜錄古今藏書家
作雜咏三百首人系

以博異聞佚
事箋羅極富

元緝宋槧資南董括盡流傳竹與縑

光福崦前白鶴飛漁榔夜半火微微蒼文小別承明去載

得牙籤萬軸歸

致仕瑞安黃丈壽讌詩十有四首

代

不須大藥駐朱顏不待金丹製九還閒氣星明中執法孤

標玉暎上方山羣公猶夢爭王室遠瑗何心出近關大好

游龍製雙杖文端韻事百年攀

協揆蕭山湯公以乾隆三
十六年壬辰生罷相留居

京師與丈攬揆之年正
同致仕後心迹亦相似

同懷競爽似三洪繼起才華蠟鳳工門業玉堂傳制草道
山延閣嬪宗風郁離家近犁肩叟諫錄人編羊鼻公試讀
姬傳翰林論要令金石在波中

猶憶龍沙斥堠危行人睨柱載書欺窮邊甌脫防青海抗
疏批鱗動赤墀入對

東朝蒙稱 旨持衡南國不忘規人才時論歸元祐鐵漢
端推劉器之

輶軒使者採菁英煦物氣如春景晴遺箸江汪歸

祕閣

詩河朱公視學安徽探進汪雙池江慎修兩先生遺
書進 御得入四庫丈督學江南搜羅近儒著書

幾百種牒送史館入儒林文苑兩傳故引朱公事爲比專經虔植半門生球時陸九

論椿庫赴闕坡公對邇英抗議樓船臣職在蘭池焉敢忘

廷爭

文以言海軍事件
由兵侍左遷

旨

匪使夷然就左官每陪國論慮先殫常憂紅海通番舶旋
攝烏臺整法冠恩許優容三品服臣難瘖默寸心安
角巾未敢歸東路心迹猶依日月丹

寒花晚節律身嚴自信行藏廢筵占點勘老懷勤炳燭唯
阿世士斥飛箝都捐機事蕉中鹿刮埽浮名竹上鮎來日
詔開千叟讌上尊法酒賜頒霑

清聖濁賢推美祿頭銜新拜酒泉公人言晚節薑邇辣天

賜芳樽酒不空過嶺東坡清似鵝杜門北海氣如龍陶然
一醉籬邊菊世事真如馬耳風

慢叟惟知惡曲圓頻移風會溷開天

香山樂府云天寶末
年時勢變臣妾人人

學圃
轉

木饑水毀無中氣

去年三輔
水災最甚

夏溽秋蒸有杜鵑

葉奇
草木

子云至正十七年燕京子規啼引邵康節洛陽天津
橋上語爲戒今年八月十七日亦聞子規啼可異也

吾欲

拂衣從此隱公眞解裘迹超然僧窗盡日觀碁局龜息虛

堂自在眠

深杯初度醉流霞弟子高正侍絳紗大楷鉤銀書荔子

丈
作

書體勢與晚香堂帖相近
蘇文忠公有荔子丹書

剛腸蟠鐵賦梅花鄭公晚戒餅

緘口韋曲家嗤戟列牙未作華陽挂冠隱方瞳九十沃丹

抄陶宏景以永初
廿九年壬辰生

舉國萍浮若汎鳧誰論根本鞏黃圖願箴衰闕淮陽守欲
繫強胡賈大夫要以廷爭酬造化敢云樸直乞江湖陰謀
直使淮南寢此意平津會得無

讀公自壽琳琅什字字天心月齋穿顏介觀生家訓在

北齊

顏黃門著觀我生賦步兵隱酒谷神全不須梨棗論丹訣何用蚍蜉

議輩年老去韋編惟學易丁甯金柅絕柔牽

蕪論三君漢統存鸚鵡稷下息啾喧羣瘖國有麟皮鼓百
越山知雁宕尊北海笑談仍隱几西園諧價刺多門酌公
精衛填餘水碧海傾翻入酒尊

戀闕耕桑只近郊，看花杜曲野人邀。
碧駝誣欲刊前牒，白虎通成憶舊巢。
三徑黍雜權河上，四天花雨灑林梢。
公宅在槐

樹斜街左枕長春禪寺

德星自照微明了，待命蒼生萬物胞。

元方兀兀古緼搜，潔白青精侍太邱。
泚澁百金傳大藥，蟬媽一蕢障橫流。
侍中世直華光殿，祕監重開文選樓。
南董代興希有事，珠光夜夜燭東甌。

濮母林碩人挽詩

截髮留賓仰至仁，登堂雞黍最情親。
多方成就孤兒學，今日同爲失母人。
元晏表求書一麓，豫章棉漬酒三巡。
冰霜慘裂吾尤酷，煠墨銘旌諫德新。

壽譚仲修同年六十

刊盡浮名與客塵，禮堂安隱著書身。千年微學胡毋續，一

卷叢箋越絕新。

君晚年爲董子繁露
袁康越絕書作箋

竹杖嬾姍斟雉叟，荷

衣澹蕩解龜人。化書傳得雲孫大，獨抱遺經作素臣。

才華二十帝京篇，卻似平原入洛年。接迹風人賦明月，鉤
鈎樂府動星躔。承師晚契皋聞老，自序重裁述學編。剝落
皮膚見根柢，蘭苕翡翠已流傳。

作令人推李鳳臺，五權赤緊祿駘迴。豈披訟牒爭求判，夜

接詞人數舉杯。

君宰懷甯集方存之馮笠尉諸
勝流觴咏精監刻池上小集

調水栽供

山寺，覓題名淨掃石門苔。猶留韻事淮南麓，蹋雪班春摘

野梅

老作經師黃鵠磯墊巾真息漢陰機朱雲坐致鄴人敬白

石工評絳帖肥樽辨齊鐫捫子尾書刊漢誤補公非新推

六學儒宮長聽講咸如客得歸

南皮制府師鎮武昌新闢書院以六學課士辟君爲

學長

湖樓社飲景山鎗歲月條如流電驚身願爲雲逐東野公

真健筆繼西京堪鱗長遣懷羈羽織廷何當倚巨楹欲致

酈潭千斛水日餐秋菊養長生

閩伯希作西山之游

自駕冷風控玉螭盡捐外物世真遺雲旗山鬼思荒忽菌

閣朝霞望陸離五嶽真形圖自寫千花危塔杖重敲何緣
其訪孫登嘯一理予言日出巖

憶山中太和潭精舍

前明俞莊襄公讀書處

幾重曲嶂青屏合一道寒泉碧鑑開異境仙靈移恍惚竹
深雲擁讀書臺

杪秋兩度侍游觀山果羅生潦復丹路轉忽聞香沁鼻幽
尋柏子麝街殘

濯纓留宿懌 殿情一袖煎茶汲水清北客久違茶味美
望雲惟有淚河傾

茲山潮汐應弦望海眼疑通漚達池久客無人供水遞干

巖紅葉鏤荒祠

潭中水準月之盈虧爲消長如海潮然亦可異也

咏袁白燕

吾家白燕陽狂甚大海鯁魚不可尋
信爾無心與物競縱教處陸也能湛

侍郎李仲約先生視學畿輔感時事奉呈八章

久直三天侍

帝旁又持一節去巡方近來大筆推燕國
寫定羣書闢鄭堂詞學宋科蒐玉海
經師漢殿理珠囊歲星昨夜蒼精動
合占南陲北際穰

惠陵詔罷建章營抗疏猶傳汲直聲

同治末公上疏諫止
浞園工程旋乞病歸

旋入羅浮渫丹井，卻從嶺嶠望春明。雞林海客傳雄句，鹿洞諸生受壁經。誰識湛冥高臥意，北條一卷作箋成。公家居十

六年注元祕史攷求

西北地名尤精博

再入修門還應

召風非欲起，待良工迴旋清切。

慈恩大委備，紆餘草制。恩禁榻暑推，梁鵠擅穹碑。石待李邕，龔玉堂夜半聞鈴索。清露霑衣，月正中。

頻繁英篋大州持

妙簡黃圖士得師，卻似蕭公試馮翊。不同莊助去丹墀，黃金燕士搜殊品。白石神君剔斷碑，盡發山川鼎彝出。風流

還及阮公詩

城西風日訪坡陀
宴坐曾陪石磴蘿
文字英華出任筆
笑談精鑒別虞戈
篆痕翦缺嵌虛壁
隸勢崩雲倚靜柯
戲語千年搜筆訣
心期苦縣與光和

元禮東京第一流
勁如竹箭出炎洲
賦才峭鹿千篇奏
辯囿珮龍萬物鏤
新樂府成含風諫
續方言出采星輶
暫辭溫室三珠樹
夾袋奇材次第收

馬謖江徙欲移沙
粟末河荒割棄賒
公自地形窮北戒
帝憂戎索問南車
籌邊誰發機牙早
餘技兼通形法家
待寫孤虛叩風后
藏春一集動幽遐

涸涸世運尙艱難憑仗機衡厝治安物異頻看草木子活
人誰蓄竹根丹葉奇草木子至正十九年燕京子規啼此南禽也今年夏亦聞子規聲茂先
博物知龍鮓移刺安邊對角端卻望迴翔行

召入待參禁幄赤心殫

詩後又題一首奉寄

鬱曲輪囷氣闕雲誰明雪白與蘭薰雖然久滯移中監甚
欲東求蒼海君中散幾堪疲翮鍛龍門迴向曝腮勤賞音
物外長低首爲報枯桐有裂紋

再咏虞功曹一首

摧殘竹箭不逢時骨相虞翻亦自疑死索青蠅爲甲客生

如蝸甲搨枯枝真觀且飲三爻易浮世徐參一局棋卻戀
泓崢老北海幾時花下倒千卮

賀藥翁得一子

門傍春明氣色新誌公抱送小騏驎公方執法蘭臺貴合

字臺卿漢逸人

趙岐以先世官御史臺日生故字之臺卿

奇氣他時隸少霞收身翁歷四溟槎涪嶠老去應嘲汝著

論還期照外家

南枝庾嶺春纔動

十月生

務挺偏從朔氣生兼得山川雄秀

意上堂英物試啼聲

手摘仙官上界星教提戈印不曾停長成更與元暉印筆

力親來試甯馨

掖垣望月

月華如水地凝脂
貝闕千層激澗移
多少虬龍禁樹影
疏枝一半浸冰池

看鷗波亭圖

不知萬頃莫釐西
著此茅亭絕野蹊
隔岸樹收虹外霽
暝欄烟入鷗邊迷
冲融似得濛觀趣
蕭散疑留粉壁題
如此溪山不歸去
江南草長乳鶯啼

管道昇畫竹

烟影雲痕紙半痕
興來信手掃千竿
天機不待施鉤勒
想

點霜毫倚石闌

亭亭物外明珎敲莫惹吾邱倒好嬉卻似散花天女手整
斜濃淡總生姿

翦取瀟湘玉幾叢娟娟含雨復梳風分明章法眞兼草得

筆還從松雪翁

文敏詩云石如飛白木
如籀寫竹應從入法求

咏壞色古畫

繡池已全圻翻疑竹粉光烟霽幾馳淡沙草出微茫禿樹
松針隱危亭石色荒通靈見眞放皴駁氣逾蒼

耳鳴

宛似定中坐忽聞鐘磬音原知病是幻

一作身
是妄

且喜籟相

尋蟻任虛牀，鬪蟻須社酒。斟合將聲號，叟應辨早抽簪。

冬晴望北山

風卷沙霾晝易昏，今晨披豁對雲根。西來萬馬朝天闕，

姚道

衍云昌平諸山勢如萬馬從天而下

北去盧龍鑠塞門。那有金仙九節杖，更

無玉女洗頭盆。百年豪傑魚蝦盡，奔湊醫闕一柱尊。

吏舍西垣下老桑樹

禿樹尙擎雲，飢雅噪不聞。根蟠厚地坼，霜入蘚皮戰。羽葆全彫落，神龜莫便焚。汝真工閱世，穴蟻日紛紛。

碧城

瑤海冰稜不起瀾，天風吹動碧城寒。沙如雪淨鋪龍尾石。

似芝青翳馬肝疑入瑠璃初地澈安知礫礪眾星乾浮查
至竟無消息獨倚河源盡處看

上孝達督部師

驛使南來景氣佳袖中札似折松釵能迴元氣消疵癘更
卜貞符翊泰階已遺祥金工躍冶吾師方大開鄂中鐵會
官之利以資軍實
看涪石待銘厓郢中小郡如堪乞洗剔怡亭字半蕪

題會稽王孝子髮冢銘石本後代

君不見關中大儒李二曲襄城五千國殤錄齒冢材官碧
血蕪野祭長筵足皴痂雲車風馬不暫停歸耐母冢焚黃
告又不見會稽諸生王子詒親病上章兩以身代之淚河

枯盡繼以血卒殉魚腹從鴟夷賀監祠前風浪惡抱石自
投神扶持已歸真宅留髮冢一夕忽出齋房芝皇祇靈感
良有以腐土照灼青葢鞋蓋屋生孝儒其門王君死孝至
性存義命各安心所宅蘭枯玉碎皆親恩表章大筆豈所
計員石爲伐蒼山根史官書之獨行傳要留一髮維乾坤
山崩石爛至性長不滅娥江之上銀濤白馬來飛翻金支
翠旗閃寒澈丹沙玉礫燭遠村青楓月出萬壑靜深宵草
露光魂魂風梳木葉如紺髮文狸赤豹不敢捫婆娑迎神
走父老傳芭擊鼓紛喧喧椒漿一勺醑祠下靈之徠兮破
氛昏嗚呼髮膚支體良不敢毀傷孝子痛如負巨創死生

禍福豈暇擇風雷掬爪乃以湛身償觀其遺令志先定處
寘家事何精詳士夫畏死今何限舉國飲泉瘖且狂君親
豈容隔膜視坐恨圓者刑其方王君恥爲烟跡行束髮受
書何慨慷有時甯受毀傷禍棄蔬立槁鮎埼陽嗚呼吾言
匪無徵君不聞崇禎年中事可傷白雲庫下石齋老手書
百本諫諍章大儒身致不絕殆如髮作詩刻石君冢旁千
年落衣勿泐永相望

越人皆言王孝子外而爲神

漳浦黃忠端公崇禎辛巳在獄中手寫孝經百二十本
本皆有跋一本跋諫諍章有甯受毀傷之禍不避近名
之嫌之語又一本跋云凡聖賢作此事原本心性與世

上聲華纖豪無涉其所以立教處雖毀傷支體駁落膚
髮猶且爲之先生解經以意逆志如此今王君默疏乞
代病父不效復以身殉母自湛江流蓋奉教於漳浦黃
先生之遺言者矣

枯樹詩

老樹槎牙似散仙穿厓裂洞曲還拳空心任作狐狸窟疏
影倒如龍象眠元氣蟠根猶不死祠官鑽火轉成妍耐寒
待得春雷動怒放濃青石室巔

喜朱二屯田見過

簷鵲喧呼噪晚晴趁墟人散野烟生畸人破我逃空寂稚

予傳來掃徑迎文筆戲拈參茗打樵蘇忘爨對泓湄明朝
刷集斜街近有約看花陌上行

歲暮上李端公

且須柱史隨方隱何必扁舟避地賢白石道人歌一曲暗
香疏影石湖仙

詹林君四十初度作詩示之

懷沙之逐臣乃始言初度我儀蔣山傭屏謝擊鮮具夙抱
天倫酷殘形蛻孤露痛絕李中孚終身御純素是辰投野
寺摧嘆風林慕生我不得力神傷蓼莪句欲廢汝墳章周
磐作計誤縣縣戴山曲杳杳青楓樹盂飯未躬親寒食糶

瘴霧幽翳三十年 慈顏夢中路留滯不歸山
羈栖失故步因君初度日觸我鮮民苦

焦穀何有芽甘蕉豈云堅有如風中漚暫寄界內天色身
本皆妄有漏日夜穿丈室椽天花飛著學人肩著處便成
縛終蛻如蠶蟬火急早修道天全神乃全妙得其中理形
殼付唐捐何況浮漚聚擾擾去來緣電光石火中濁愛強
周旋苦縣與毗耶我欲游其閒子儻勤參取坐破十年氈
欲求四智鏡滯相勿礪專受之我慈母遺偈涕潛然可憐
皆持楞伽黃梅五祖始持金剛經 先母徐恭人每遇朔
望及家祭日掃地焚香持誦此經自有生以來數逾千遍
不幸刑 謹述

山中有苦筍歲久青成林江上百株梅繁花暉寒禽我家
山水縣何異桃源薄宦久留滯山靈知我心招以紫芝
曲遺之還山吟父老望我歸買田秀峯陰兒童望我歸授
之座右箴約子黃箴舫謝去白玉簪老治五畝宅食費兩
疏金勉晞萊子婦荷鋤春泥深我豈參軍陶樓川怍淵湛
長生

又題六言

枯澹中含至味靜參物理虛盈何用酈潭菊水浮杯始得

新年試筆

壬辰

新歲在辰得未曾有瑞雪繽紛灑我林數瑤林瓊樹照曜

榮叟律谷萌芽虛明徹曠息之深深養之黝黝穰我來牟
和甘滿缶擊瓊歌呼東臯一斗烟籬綻梅風榭舒柳彩筆
題饒春盤薦韭降祥產嘏直至鮑喬比復好先乾壯惡首
隨時之義消息奇偶窮通知機臧否慎口苟非吾有一豪
莫取編園吏集飲北叟酒泊乎黃庭內暖虛受優哉游哉
純氣之守

早春鄉思

淑氣將催柳光風欲汎蘭猶餘臘尾雪併作歲初寒村酒
攜柑子園租課橘官鄉心南望切草草強杯盤戴仲若攜
雙柑斗酒

聽鷓鴣處在桐廬縣治
西五里今名戴公山

第四歲月再過神武門托托小憩

未辦朝衫挂此門竹籬紙閣碧城根乍聞穿閣流冰響又

識依巖禁樹溫華髮已無宮監語

往見八十餘一老中涓能言咸豐中事已物故

矣碧紗難覓舊題痕陶公縱上辭官表還獻茅君臘酒樽

時猶未立春

懷朱鼎父時客授廣州

飄然一去瘴江邊身在羅浮盡處天殺馬毀車如昨日割

雞爲黍更何年無窮世事浮雲改萬里春心落日牽

杜句春清

日落夢相牽

翠羽黃柑助高興幾時同泛木蘭船

卻從朔雪望炎暎海闊曾無檝與舟蕩蕩區中無一事冥

冥澤畔獨深憂
花開朱鳥西臺樹
雲起蒼梧古藥洲
懷舊
潛郎今白首
忽然淚落不能收

寄雲門秦中因效其體

金天祠隱嶽蓮分遠
訊疏麻總不聞
勁句流傳如竹箭
新詩變態入春雲
康王渭曲多才調
令長鄆田好策勳
河水東流爾西去
有誰能賦李將軍
兩蒼晚境極牢落欲爲故
李將軍行以張之僕才思
蹇澀久擱筆不能成若
有雋才欲乞賦其事

寄屠梅君侍御晉中

洗耳投淵一笑休
蕭條隱几復何求
尋碑有興搜齊峪
懷土無心返庾樓
積塔霜紅雙屐徧
晉祠水碧一瓢收
支牀

聞道龜長息擾擾人閒看鬪牛

侍御耳疾已久

人日

老至逢人日衰遲怯物華
一花開棐几雙鳥啄圓沙
嬾病愁丹藥僮疲點乳茶
且將詩遣興米汁市頻賒

漫興

居士不服水玉屑隨方差
得天機全酒中投以赤松藥
身病晚栖黃蘗禪細觀形骸
亦外物無邊春色催華顛
偶出南隣覓酒伴醉倒陌上
花含煙

風定後

風定夜闌月上當窗竹影平
分何異江鄉村落殘燈一穗

黃雲

戲贈黃山呂居士

灰河三里霧撥不開寒潭一片月招不來深怕睡虵四條
作崇又虞仙鼠兩箇頻催欲訪黃山道士門前寂寂蒼蒼
何物是安心法罈中撥盡寒灰隱几翻成禪病杜詩余亦
禪寂 汨泥又滓靈臺憑君一掃千重障粟粒芽中起絃雷

由汝馬駒生足下雲蒸霧擁九天開倘能爲我迂神足便

可隨方長聖胎

江西大寂禪師云若能了當此心乃可隨
時著衣喫飯長養聖胎任運過時更有何

事 曹溪之傳得馬祖而始昌故
有由汝足下生一馬駒之預識

思爲退谷之游

在臥佛
寺南

世樂終須破甕同，蜀巖那解辨窮通。
禽嬰野老疑年大，雞卜村姑諛歲豐。
三葛日當游秉燭，一絲風約釣收筒。
逃虛只合香山住，退谷亭前竹幾叢。

尋春

春人簇簇玉河頭，舉袂風山去不休。
楓沓綠蕪攜衫伴，翩躚粉蝶度銀簫。
簫聲吹徹雲軒下，劍氣迴扶鹿躡遊。
中有飛霞佩，誰識詩囊烟景一時收。

示兒輩作文法

一指頭禪用不窮，寓言節取渭南翁。

莊雜篇又云一尺之捶日取其半用之不

窮木多洲島神迴合，山有烟霞氣不同。
兵法善藏俄脫兔。

琴聲忽住指歸鴻應機妙得無機趣處處鎚出化工

君立善相馬頗聞畜善馬十餘頭乃絕塵之品也作

詩調之

支公妙說逍遙論爛藻紛披贍游刃莫笑房開青豆窮枳
籬芻料餽神駿壺頭新息可憐人惹以成珠言孰信馬法
空懸鑄銅格壯心不逐寒灰燼太原公子晉陽騰鞭筆羣
雄氣雄峻石泐昭陵六玉虬肉驥猶辨烙時印古來豪俊
氣超然氣挾龍威兼虎震休斥支公成潦倒借仲殊題晉
四賢像云潦
倒支公窮骨骨會稽內史摧堅陣唐陵何有只平蕪人閒玉
伶丁少道風
盃真俄曠窮骨人嗤少道風戰場事去餘飛燐惟傳相馬

形法家新息遺經出殘摺儀氏袴中謝氏髻精微鑿別窮
分汙汗溝歎薄驂驪血隅目晶熒怒標運自言受法丁君
都金馬門前署臣進天顏顧之常色喜四極堪馳掃氛疾
今君何處得此本辨析毫釐知鯨僨北皮亭外連荒漠草
淺兔肥俱疾趁燒痕獵騎礫冬枯泥融雪釋材官引臂韞
翠放海東青敕勒詩成筆花潤射雉俄牽三十頭從車旋
犒千觴酌歸鞍一點似流星不數鷓于新羅迅吾嘗歸南
皮雪霽打
圍此追何不喚取守邊門昆侖月窟招琛賚夕洗神兵魚
迹其事海赤朝銘厓石龍沙韻一候功成辭上賞拂衣歸訪逍遙
隱麗劓山人無一事蕭然隱几無人問真成怯事少游馴

誰伴忘言東郭順心地須收汗馬功勃窣道林還得雋善
相由來恥舉肥戰勝靈臺真至慎妙得其神忘迹象竹批
雙耳何勞認足下生駒蹋殺人迴旋試與重張鞞

菊潭行

桃源事乃避世隱君子之子孫耳半山詩避時不獨
商山翁亦有桃源種桃者仍襲用陶詩黃綺之商山
伊人亦云遊語最爲得解知此則退之可無疑於神

仙荒渺之說矣顧其地經諸名家題咏遂若人閒異

境穉然出於言表獨酃縣菊潭之名見於史志

續漢志刻

令劉昭注無人爲作歌遂名字翳如此亦一桃源也

引荆州記

故爲表而出之以竢能者揆張其事姑先之拙句用
爲嚅引云爾

鄜侯縣北牛鳴地菊水芳甘供服餌人家三十自成村世
爲昏因不相棄不省何年種此花飲之一勺生無涯中壽
猶堪百二十那知海上棗如瓜生兒不遣鴻都學況向西
園買官爵春來融雪長烟苗秋至花開水方落顏駐丹沙
秋復春老翁往往抱雲孫朝耕原上田無稅夜沐松風不
閉門圍爐親戚多情話品水點茶都不解掬水惟將木癭
瓢煮甌同聽風雷噫楚客曾傳餐落英漢臣亦賜飲金莖
何如滕瓦環洲住潭影花光一片明西園桂蠹花稀實鉤

黨刊章吏訶詰世上紛紛幾亂徵人言九事八爲律同時
惟有鹿門翁妻子晏然采芝朮由來不識吏催租忽被南
陽令溷吾筒致月供三十石遂煩水遞應傳呼有名常苦
爲物役無名乃得含虛白伯始胡令我水滋稱名恥惹中
庸客

記云太傅胡廣傳
種遂處處有之

傳種奇花種失真過淮枳化笑癡

人從茲菊水無遺味多汲常嫌井水渾人間先竭是甘泉
莊叟之言然不然養就金精復何處地仙拔宅空雲烟我
欲別穿一菊水堯年不潦旱不滓靈臺一片是靈源澄潭
萬古長如此

詩續辛